

# O ŠVEDÓ MAI ŠUDRILÓ. AKANÁ VREAMEA SI TE ŠAI AVÉL E POLITIKA MAI TÁTI.

**O Švedó** si iekh čudáto them. But manuš kathsé baxtalé le te šai kerén so si len ando pengó sunó. Lam karing amende so o traio sikavél amenge mai anglé. Ma le berš kai naklás o Švedó kerdilás mai šudró. Le manuš durón iekh kavrestar thai o rasismos baról. O difirantso pe lovende maškár džuvlea thai le murš vi baról. E politika či le pesko responsibilitat pe le manuš thai pe o miljöen. Amé džanás ke iekh them kai del pe trat te na mai avél čudáto savořenge, nai čudáto kanikaske. Ande kudea akaná vremea si te avél e politika mai džilésa thai mai táti – akaná vremea si te iekh neví governo bešél peske ando o them/parlamento.

**E mai bári** vorba adies si pa e klimáta kai rimolpe. Kana le manuš, kai si čerutne ande penge temá si te kidenpe ando Paris decembro 2015 o Švedó šai sikavél lenge ke si posibilitat te lašavól e klimáta te šai signóla o mell thai o gunoj ando čéri thai ande le paíá. O Švedó si te avél moderno thai te inspiril, te del godži kavér themén. Ma te si kadea ke nai la lumeake vremea la klimatása kotsé kai le themá ažukerén pe iekh kavreste, de sár te avél len tromá te te džan ande e vurma la klimatáki. E politika musai te kerdól mai táti. Thai na e klimáta.

**Trubulpe** mai but bučea ando Švedó, ma o Alianssosko gindo pe le bučea či puterdás o drom butenge te šai len penge buči. Tisterá pharó thai šudró kerdilás manušeske kai xasardás peski buči vai kai nasvaililás. Amé mangás te zuravás e buči pe e klimáta – te šai džal o džedžes pe o časó, te lašavoil le gavá paša le bare forori thai te anzarén neví kerá kai či sirdél prea but energía. Ando berš 2018 si te avél kadea ke butén manušen si te len penge buči thai le ternenge te avél posibilitat te šai arakén pengi bax karing educatsia thai e buči. Kadó si svakoneske manušeske hazná thai vi ke e politika si mai táti.

**Sa le elevni** te avél len patia te šai džan penge v raduimása kai e šcoala. Te phabol o džiló butenge siklarengé thai manušenge kai kerén buči ande e šcoala te šai kerén than pe peskerenge thai te avél len vezelia ande e buči pengi. Te na avél lašé vai tčoré šcoali – sa le šcoali te avén lašé. O berš 2018 te avél kadea ke šai mai but džené alón penge educatsia te šai anklén sikleará, te avél len vremea la bučeake thai te avél le elevnenge zor pala le zeyá kana mangén penge ažutimos.

**Amé džanás** ke šai džalpe ando o Švedó ke savořengo traio mai anglé te pašól amén manušen iekh kavřesa de sar o pušimos kátar avás, sár meazovás, pa soste das amén gindo, ke sam džuvli vai murš, sode puré sam vai sar meazol amari familia. Pala oxtó berš le Alianssósá akaná vremea si le nevoske governoske thai mai táti politikake.

Šar thos čiri zor ando alunimós pe e **volontar.mp.se** thai te kerdós hamimé ando Miljöpartiet pe o **mp.se/bli-medlem**

**Mištó dikás tut!**

*”E pušemáta pa e klimáta si pa ke soske lumea te mekás pala amende le glatenge thai amaré nepotsenge. Akaná vremea si te šai signarás o mell thai e votráva kai mekás te hurael ando čéri thai kaj arisél ande le paiá, ma šai birisarás te kerás kadó. Musai te avél o gindo mai godžavér sar te kerás le energiása ke sar te džal o džedžes- o trafiko koletivno thai te na mai avél amén them kai delpe gindo feri pe lovende, so te kinás thai so te čúdás amendar. Amé sar kerás iekh Švedó kai si vestimé ande e lumea pe e klimáta, kai lel responsibilitat thai kai sikavél drom kavrenge”*

**Åsa Romson**

**Amé mangás:**

- ke o Švedó te lel o anglunó than internationalno ande e buči te mekás pala amende le glatenge mai vuži lumea
- te šai avél o vužó alunimos mai vušoró thai mai lezni. O džedžés te avél mai lezni desár o aviono thai te džalpe o manuš le džedžesésa mai fugása desár le matorása
- te zuravén le lovensa e buči la klimatása – džedžesésa thai le busósa, nevi energia, te šai baravén e miljonprogrammet karing nevé kherá, ekoturism, nevimos anda phuranó thai o vintage.

*”Vo kai bešél peske dur palál ando klaso thai aba das pes trat – trubul les iekh sikleari kai si les vremea thai kai patial pe leste. Thai voi kai kai thol sa peski zor te šai lel peske o mai baró punto, mai laši mezura – la šcoleake musai te biril te dikél la thai te čačarél lat, pala svaki proba, mezura thai o resoltatno. Sa le elevnen te avél len hazna te džan penge kai e šcoala raduimása”*

**Gustav Fridolin**

**Amé mangás:**

- ke mai but džené mangén penge te anklén siklearea. E buči le siklearerngi te avél iekh anda amaré mai importante bučea. Thai ande kudea le themeske lové musai te baravén o putimós le siklarengi
- te avél le siklarengi mai but vremea ande pengi buči. Thai vi musai te signarás e byrokratia le siklarengi thai te baravás mai but bučea ande le šcoali
- te haitiarénpe mištó thai hodina ande e šcoala. Musai te avél kai le elevni mai lašó gindo karing e šcoala thai te baravás e kultura ande e šcoala.

**Džin mai but pa amari politika ando amaró valmanifest vai pe o mp.se**

**O 14 septembro šai avés amensa te kerás o Švedó mai moderno.**